



TOSHKENT DAVLAT YURIDIK UNIVERSITETI REKTORINING B U Y R U G ' I

14.03.2024

162-tm-son

Talabaga hayfsan e'lon qilish to'g'risida

Bugungi kunda universitetda yuksak talablar va zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator chora-tadbirlar amalga oshirilmoqda. Shunga qaramasdan, universitetning bir qator talabalari tomonidan universitet Odob-axloq kodeksini buzish holatlari kuzatilmoqda.

Jumladan, universitetning Xususiy huquq fakulteti 1-kurs V potok 1-guruh to'lov-kontrakt asosida tahsil oluvchi talabasi Nusratov Otabek Jamshed o'g'li, 1-kurs A potok 1-guruhida tahsil oluvchi Baxtiyorov Azizbek Baxt o'g'li hamda A potok 3-guruhida tahsil oluvchi talabasi Maxmudxodjayev Akromxo'ja Farxod o'g'li Odob-axloq kodeksi bilan tanishtirilgan bo'lishiga qaramasdan 2024-yil 26-fevral kuni universitet hududida tamaki mahsulotlarini iste'mol qilgan. Talabalar ushbu harakatlari bilan universitet Odob-axloq kodeksi 16-moddasining to'rtinchi va sakkizinchi xatboshilari talablarini buzgan.

Yuqoridagilarni inobatga olgan holda Oliy ta'lim to'g'risida nizom (ro'yxat raqami 1222, 2003 yil 22 fevral) 51-bandi, Toshkent davlat yuridik universiteti Odob-axloq kodeksining 16-moddasi hamda universitetning Ichki-tartib qoidalarining 83-bandiga asosan hamda Xususiy huquq fakulteti dekani B.Musayevning taqdimnomasiga muvofiq

BUYURAMAN:

1. Universitet Odob-axloq kodeksi 16-moddasining to'rtinchi va sakkizinchi xatboshilari talablarini buzganligi uchun Xususiy huquq fakulteti 1-kurs V potok 1-guruh to'lov-kontrakt asosida tahsil oluvchi talabasi Nusratov Otabek Jamshed o'g'li, 1-kurs A potok 1-guruhida tahsil oluvchi Baxtiyorov Azizbek Baxt o'g'li hamda A potok 3-guruhida tahsil oluvchi talabasi Maxmudxodjayev Akromxo'ja Farxod o'g'liga hayfsan e'lon qilinsin.

2. Xususiy huquq fakulteti (B.Musayev):
mazkur holat takror sodir etilsa, talabani talabalar safidan chetlashtirish
mumkinligi to'g'risida ogohlantirsin;
hayfsan e'lon qilingan talabalarning shaxsiy yig'ma jildiga buyruq nusxasi
tikilishini ta'minlasin.
4. Fakultet dekanlari:
mazkur buyruq bilan qo'llanilgan intizomiy jazo chorasini talabaning shaxsini
sir saqlagan holda talabalar o'rtasida shu kabi holatlar takroran sodir etilmasligi
maqsadida barcha talabalar e'tiboriga yetkazish choralari ko'rsin.
5. Mazkur buyruq bajarilishini nazorat qilish Yoshlar masalalari va ma'naviy-
ma'rifiy ishlar bo'yicha birinchi prorektor A.Xashimhonovga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

B.MUSAYEV

**Kelishildi:**

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV



Katta yuriskonsult

A.TURSUNOV

